

Հ Ա Մ Ա Չ Ա Յ Ն Ա Գ Ի Ր

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՐԹՈՒԹՅԱՆ ԵՎ ԳԻՏՈՒԹՅԱՆ
ՆԱԽԱՐԱՐՈՒԹՅԱՆ ԳԻՏՈՒԹՅԱՆ ՊԵՏԱԿԱՆ ԿՈՄԻՏԵԻ ԵՎ «ՏԵՔՆՈԼՈԶԻ
ՏՐԱՆՍՖԵՐ» ԱՍՈՑԻԱՑԻԱ» ԻՐԱՎԱԲԱՆԱԿԱՆ ԱՆՉԱՆՑ ՄԻՈՒԹՅԱՆ ՄԻՋԵՎ
ՀԱՄԱԳՈՐԾԱԿՑՈՒԹՅԱՆ ՄԱՍԻՆ

Հայաստանի Հանրապետության կրթության և գիտության նախարարության գիտության պետական կոմիտեն և «Տեքնոլոջի Տրանսֆեր» Ասոցիացիա» իրավաբանական անձանց միությունը (այսուհետ՝ Կողմեր), ղեկավարվելով ՀՀ քաղաքացիական օրենսգրքով և նպատակ ունենալով.

նպաստելու Հայաստանի Հանրապետությունում ինովացիոն գործունեությանը, գիտական հետազոտությունների և նոր տեխնոլոգիաների զարգացման հեռանկարային ուղղությունների, առևտրայնացման ներուժ ունեցող գիտատեխնիկական մշակումների հայտնաբերմանը,

վերհանելու ոլորտի զարգացման խոչընդոտները և խթանելու ներդրումները գիտական հետազոտությունների արդյունքների առևտրայնացման և նոր տեխնոլոգիաների ստեղծման ու ներդրման բնագավառում,

ՀԱՄԱՉԱՅՆԵՑԻՆ ՀԵՏԵՎՅԱԼԻ ՄԱՍԻՆ.

Կողմերը պայմանավորվում են սույն Համաձայնագրին, Հայաստանի Հանրապետության օրենսդրությանը համապատասխան և իրենց իրավասությունների շրջանակներում համագործակցել հետևյալ ուղղություններով.

Հոդված 1. Հայաստանյան գիտատեխնիկական մշակումների և նոր տեխնոլոգիաների, ինչպես նաև Հայաստանի գիտատեխնիկական ներուժի ներկայացում միջազգային ասպարեզում՝ համապատասխան ցուցահանդեսների, շնորհանդեսների, մասնագիտացված էլեկտրոնային կայքերի և այլ հնարավորությունների օգտագործմամբ:

Հոդված 2. Հայաստանյան գիտատեխնիկական մշակումների և նոր տեխնոլոգիաների հանդեպ հետաքրքրություն դրսևորող օտարերկրյա

կազմակերպությունների և անձանց այցերի շրջանակներում հայաստանյան համապատասխան կազմակերպությունների ու անձանց հետ գործնական հանդիպումների կազմակերպում:

Հոդված 3. Հայաստանի Հանրապետությունում գիտական կազմակերպությունների, գիտահետազոտական խմբերի, անհատ հետազոտողների և ներդրողների համար գործնական հանդիպումների, կլոր սեղանների, շնորհանդեսների կազմակերպում:

Հոդված 4. Հայաստանյան և օտարերկրյա պետությունների գիտական կազմակերպությունների, գիտահետազոտական խմբերի, անհատ հետազոտողների համար Հայաստանի Հանրապետությունում մտավոր սեփականության պաշտպանության, գյուտերի և գիտատեխնիկական մշակումների արտոնագրման, հեղինակային իրավունքի և այլ խնդիրների վերաբերյալ խորհրդատվության տրամադրում:

Հոդված 5. Գիտելիքի առևտրայնացման ոլորտի Հայաստանյան փորձագետների շտեմարանի ձևավորում:

Հոդված 6. Հայաստանյան գիտական կազմակերպությունների, գիտահետազոտական խմբերի, անհատ հետազոտողների կողմից կատարված գիտատեխնիկական մշակումների և նոր տեխնոլոգիաների առաջարկի շտեմարանի ձևավորում:

Հոդված 7. Հայաստանի և օտարերկրյա պետությունների գիտական կազմակերպությունների, գիտահետազոտական խմբերի, անհատ հետազոտողների համատեղ հետազոտությունների և գիտատեխնիկական մշակումների իրականացման աջակցություն:

Հոդված 8. Կողմերը պարտավորվում են առանց փոխադարձ համաձայնության երրորդ կողմին չտրամադրել նախապես գաղտնի համարվող տեղեկությունը:

Հոդված 9. Կողմերի հարաբերությունները սույն պայմանագրով չնախատեսված դեպքերում կարգավորվում են ՀՀ օրենսդրությամբ:

Հոդված 10. Կողմերի փոխադարձ համաձայնությամբ սույն Համաձայնագրում կարող են կատարվել փոփոխություններ և լրացումներ, որոնք կձևակերպվեն առանձին

արձանագրությամբ: Արձանագրությունը կհանդիսանա սույն Համաձայնագրի անբաժանելի մասը և ուժի մեջ կմտնի դրանում սահմանված կարգով:

Հոդված 11. Սույն Համաձայնագիրը ուժի մեջ է մտնում ստորագրման պահից:

Սույն Համաձայնագիրը կնքվում է երեք տարի ժամկետով և ինքնաբերաբար կերկարաձգվի յուրաքանչյուր հաջորդ երեք տարվա համար, եթե Կողմերից որևէ մեկը սույն Համաձայնագրի գործողության ժամկետի ավարտից երեք ամիս առաջ մյուս Կողմին գրավոր չձանուցի այն դադարեցնելու իր մտադրության մասին:

Կատարված է հայերենով, Երևանում, 2009 թվականի հոկտեմբերի 12 - ին, երկու հավասարազոր բնօրինակով:

Կողմերի իրավաբանական հասցեները

Օրբելի եղբ. փ. 22,
Երևան 0028

Չաքենցի 17
Երևան 0025

Հայաստանի Հանրապետության կրթության
և գիտության նախարարության գիտության
պետական կոմիտեի կողմից

«Տեքնոլոջի Տրանսֆեր» Ասոցիացիա»
իրավաբանական անձանց միության
կողմից

նախագահ
Մամվել Հարությունյան
Կ. Տ.



խորհրդի նախագահ
Միրայել Արուսյան
Կ. Տ.

